

সংগারিনীর কবিতা

উড়ছে বেলুন

নিঃসীম শূন্যতায় উড়ছে বেলুন
শূন্যমন্ডল ছাড়িয়ে উঠছে উপড়ে , আরো বহু দূর
মেঘের স্তবক কেটে মিশে যাচ্ছে , আকাশের বুকে নিবির আদরে
চোখ বুজে পাড় হতে হবে , আর-ও কতক কষ্ট-স্তর . . .

কোমল অস্তিত্বে নেই খাঁজকাটা কোন যন্ত্র
তবু-ও এই-সব লেন-দেন , মনে-মন , খাতব রমণ
মানবরূপী হিংস্র দানবের সাথে বেঁধে যাওয়া সংঘর্ষ
এড়িয়ে যেতেই হবে
লুকিয়ে ফেলতে হবে অনুভূতির সরল প্রকাশ
সহজ মনের অস্তিত্ব

নইলে খুবড়ানো মুখ খঁচাতলে পড়ে রবে জীবন সংকটে
হারিয়ে ফেলবে কল্পনার ফানুস
উড়বার ডানা
স্বপ্ন দেখার মায়াবী দু'টি চোখ
বাঁচতে তো হবে !

নিঃসঙ্গ আকাশ

আবক্ষ প্রেমের সুধা , নিঃসঙ্গ উদার আকাশ
বিষাদের নীল ঢেউ চাদরে জড়ানো তার মন
মেঘের বাবরীতে পুঞ্জিভূত ব্যথা ; অপকাশ

চন্দ্র সূর্য গ্রহ নিহারিকা ; সবাই থেকেও নেই যেন কেউ
এতটা করেও মনোযোগ পেলোনা সে কারও
পৃথিবীতে কি কার-ও জন্ম দিতে শুধুই
পেতে নেই বুঝি তার কোনও কিছুই ?

ভাবনার প্রহর কাটে রাতের দাফনে
আসে সঙ্গিহীন বিধবার শাদা ভোর
আকাশটা কেঁদেছে অঝোর ; কাল রাতে
দীঘির চোখে ঐকে দিয়েছে জল-কাজল
আড়াল খুঁজছে কষ্ট-শমিকের ঘাম
নিজের ভেতরেই গুমড়ে মরছে নিজে

করোটি ছত্রাক

না বলা কথার ছত্রাক মগজের শাদা
নিগুঢ় স্তবকে
সঁগাত-সঁগাতে পঁজা তুলোর আবেগ , মুখ গুঁজে রয়
চিনির সিরাতে

এখন ও ঠিক হয়নি সময়
অপেক্ষায় রত -
অ-রৌদ্র ছায়ে ,
করোটি খুলে লৌধ-রেণু কোন্
ফুটাবে আশ্চর্য ফুল এক -
মাঝ রাতে ।

অবাক বিশ্বে চেয়ে দেখে পৃথবী !
সেই সব কথা তার
রূপোলী পাতায় লিখা আছে -
সোনালী হরফে

বিকল্প সূর্য

আড়াল কেন তুমি মিথ্যে কৌশলের ছলে
ডুবালে সূর্যকে ঘোর অমানিশার কালে
অতুঞ্জল তুমি আলোর রোদ্দুর মাখা
চোখের মনি-দ্বীপে নিবির স্বপ্ন আঁকা
চাঁদনীর রূপোলী অন্তহীন রাত ঘিরে
তোমার হাসি দেখি অসীম নীলাকাশ জুড়ে

অবশেষ

একসাথে বসবাস
যোগ বিয়োগ পূরণ ভাগ
এক সাথে

তবুও -
কতিপয় অভিযোগ অনুযোগ জীবনের
প্রতিটি পরিচ্ছেদ ভরে তোলে
বিভাজনে

শূন্য পড়ে থাকে অবশেষ
নিঃস্ব অংক খাতার পাতা
কিছুই মিললোনা শেষে
ঐশ্বর্যশীল সময়ের পাতে